

ՆԱԽԴԻՐՆԵՐԻ ԳՈՐԾԱԾՈՒԹՅԱՆ ՀԱՃԱԽԱԿԱՆՈՒԹՅՈՒՆԸ V
ԴԱՐԻ ՀԱՅ ՄԱՏԵՆԱԳՐՈՒԹՅՈՒՆՈՒՄ

ԳՈՒՐԳԵՆ ՄԱՆՈՒԿՅԱՆ

Նախդիրները գրաբարի ուշագրավ խոսքի մասերից են, որոնցով հայ քերականները հատկապես զբաղվել են սկսած V դ. վերջերից, երբ հայերեն է թարգմանվել Դիոնիսիոս Թրակացու «Արուեստ քերականութեան» աշխատությունը: Հետագա դարերի ընթացքում բուն նախդիրներն աստիճանաբար առանձնացվել են նախադրություններից, բնութագրվել է նրանց խոսքամասային արժեքը, հատկապես ուսումնասիրվել է նրանց՝ թեք հոլովների հետ զանազան իմաստների դրսևորումը: Սակայն մինչև այժմ նախդիրների դրսևորած իմաստները ներկայացված են առհասարակ: Նրանց գործածության հաճախականության հաշվարկման բացակայության հետևանքով նկատի չեն առնվել որոշակի դարաշրջաններ, առանձին հեղինակներ, ցույց չի տրվել իմաստների բացահայտման աստիճանային հաճախականությունը, կապ չի տեսնվել նախդիրների հաճախականության, դրսևորած իմաստների և տվյալ լեզվական շրջանի, հեղինակի, գրական ժանրի լեզվի ու ոճի միջև: Մասնագետներն ինչ-որ չափով նշել են նաև նախդիրների բառակազմական արժեքը: Այդ ուսումնասիրությունները շարունակվում են մինչև օրս, քանի որ գրաբարով գրված բնագրերը հնարավոր չէ խորությամբ հասկանալ՝ առանց ըմբռնելու նախդիրների միջոցով դրսևորված իմաստային նրբերանգները:

Մանուկ Աբեղյանը նախդիրներն ու նախադրությունները համարել է գրաբարի կապերը¹, Իսկապես, ընդհանուր գործառույթի տեսակետից դրանք ոչընչով չեն տարբերակվում ժամանակակից հայոց լեզվի կապերից, քանի որ նյութագրուկ են և դրվում են որևէ հոլովից բառի վրա, վերջինս կապում են բային՝ երկուսը միասին դառնալով բայական անդամի մեկ լրացում: Այս առումով բացառություն է կազմում բացառական հոլովը, որը ձևավորվում է յո նախդիր միջոցով: Սակայն նախդիրները գործածական ավելի մեծ ոլորտներ են ընդգրկում, քան ժամանակակից հայոց լեզվի կապերը: Հնարավոր չէ պատկերացնել գրաբարով գրված որևէ հատված, որտեղ չլինի նախդրային մի քանի գործածություն: V դարից մեզ հասած հայ ժողովրդական բանահյուսական չափածո հատվածներում նախդիրների առկայությունը ցույց է տալիս, որ նրանց գործածությունը հայոց լեզվում բնականոն է, և V դարի մատենագիրները նախդիրները լայնորեն կիրառել են ոչ թե ոճական հնարանների բերումով, այլ հետևել են ժամանակի խոսակցական լեզվին:

Նախդիրները դրվում են տարբեր հոլովների հետ, զուգակցվում են նախադրություններին² և ավելի շատ իմաստային ներբերանգներ են դրսևորում, քան կապերը: Նրանց գործածությունը ոչ միայն պայմանավորված է գրաբարի որևէ լեզվական փուլի առանձնահատկությամբ, այլև հեղինակի լեզվի և ոճի յուրահատկությամբ, գրվածքի բովանդակությամբ: Օրինակ, հենց V դ. դրսևորվում է նախդրագործածության բուզմսւծեությունը: Դարավերջին, երբ սկզբնավորվում է հունաբան հայերենը, նախդիրների գործածությունը բավականին ակտիվանում է, դժեղանում է առ, ընդ, ըստ նախդիրների նախածանցական կիրառությունը, նախդիրներով կազմվում են բազմաթիվ դարձվածներ: Այնպես որ պատահական չէ, որ Մովսես Խորենացու «Պատմութիւն Հայոց»-ում կան

1 Մ. Աբեղյան, Գրաբարի քերականություն, Երևան, 1937, էջ 169: Աբեղյանը նախդիրներն ու նախադրությունները կոչել է մեկ տերմինով՝ նախադրություն:

2 Օրինակ, Մ. Խորենացու «Պատմութիւն Հայոց»-ում կա նախադրություն + գ + նայցական կառույցի 148 օրինակ:

նախդիրներով ձևավորված շուրջ վեց հարյուր դարձվածներով Այսպիսով, նախդիրների կիրառությունը միմիայն քերականական հարց չէ, այն թափանցում է լեզվաոճական ոլորտները, այլ գործոնների հետ նպաստում է բացահայտելու լեզվական փոփոխության նմանություններն ու ասարեբրությունները, բնութագրելու այս կամ այն մատենագրի գրվածքների լեզվի ու ոճի առանձնահատկությունները: Իսկ այս կարևոր հարցերը պարզաբանելու համար անհրաժեշտ է բացահայտել նախադրագործածության հաճախականությունը, մի հարց, որը մինչև շատ վերջերս է հայ քերականների ուղադրությունից:

Նկատի ունենալով այս հանդամանքը, մենք փորձեցինք որոշ չափով զբաղվել այս հարցով, և աստիճանաբար բացահայտվեցին մեկը մյուսից կարևոր ու ուղադրավ փաստեր: Նախդիրների գործածության հաճախականությունը V դ. հայ մատենագրությունում բացահայտելու համար նկատի ենք ունեցել Կորյունի «Վարք Մաշտոցի», Եղնիկի «Ծղծ աղանդոց», Եղիշեի «Վասն Վարդանայ և Հայոց պատերազմին» և Մովսես խորենացու «Պատմութիւն Հայոց» երկերը: Նման ուսումնասիրություն կատարելու համար մեր ձեռքի տակ են եղել այս գրվածքների Համալսարանները, որոնք կազմել են ՀՍՍՀ ԳԱ լեզվի ինստիտուտի գիտական աշխատողները³:

Այս ընտրությունը պատահական չէ: Կորյունի գիրքը սկզբնավորում է հայ պատմագրությունը, և հեղինակը, ըստ երևույթի, ընթացել է ոչ թե ժամանակի խոսակցական լեզվով գրելու միտումով, այլ խրթնաբան ոճով ներկայացրել է իր ասելիքը: Եղնիկը բյուրեղացի է խոսակցական հայերենը, անշուշտ, ձևավորել է այն իր ընտրած նյութի և գրքի բովանդակության թելադրանքով, ստեղծել է նոր գիտաբանություն, կամ առաջին անգամ դրանք ինքն է գործածել գրական հայերենում՝ հիմնադրելով գրական լեզվի մի ուղղություն, որը հետագայի ականավոր հայագետներն իրավացիորեն կոչել են եզնիկյան: Եղիշեն գրել է պատմագրության ստանդարտ ժանրին հատուկ ոճով, կերտել է գրական նկարեն պատկերներ: Այնուամենայնիվ, մեր կարծիքով, Եղիշեի լեզուն ու ոճն ավելի մոտ են ու հարազատ ոսկեդարյան հայերենին, քան հաջորդ լեզվի հունարան ջրջանին: Գեղագետ պատմիչի լեզուն և ոճը լեզվական այս երկու ուղղությունների մեջ գրավում են միջին դիրք՝ ոսկեդարյանի հակումով: Իսկ Մովսես խորենացին հունարան հայերենի կարկառուն ներկայացուցիչ է և իր երկը ոճավորել է ոչ միայն նկատի ունենալով խոսակցական հայերենը, այլև ներառելով լեզվական նոր տրակներ:

Հեղինակային լեզվի և ոճի այս ընդհանուր առանձնահատկությունները դրսևորվել են նաև նախդիրների գործածության մեջ:

Նախդիրները հոլովների հետ գործածվում են այնպես, ինչպես ցույց է տրված № 1 աղյուսակում:

Աղյուսակ № 1

Հոլովներ	Առ	Զ	Ընդ	Ըստ	Ի (յ)	Ց
Ս.	—	—	+	—	—	—
Տր.	+	+	+	+	+	—
Հ.	+	+	+	+	+	+
Բ.	+	+	+	+	+	—
Գ.	+	+	+	—	—	—

Ի տարբերություն գրաբարի նախադրությունների և աշխարհաբարի կապերի՝ նախդիրները, բացառությամբ ընդ-ի, սեռական հոլովի հետ չեն գոր-

³ Կորյուն, Վարք Մաշտոցի, Երևան, 1941 (Համալսարան, Երևան, 1972), Եղնիկ Կորյունի, Եղծ աղանդոց, Վենետիկ, 1826 (Համալսարան, Երևան, 1972):

Եղիշե, Վասն Վարդանայ և Հայոց պատերազմին, Երևան, 1957 (Համալսարան, գիրք I, Երևան, 1974, գիրք II, Երևան, 1978): Մովսես խորենացի, Պատմութիւն Հայոց, Տիֆլիս, 1913 (Համալսարան, գիրք I, Երևան, 1975, գիրք II, Երևան, 1976, գիրք III, 1976):

ծածվում: Ամբողջ V դ. մատենագրության մեջ հայտնի է միայն Եզնիկի բնագրում 2-ի կիրառության մեկ օրինակ. «Այն ոչ եթէ անձինք ինչ են, այլ անուանք զբանտանաց» (էջ 98):

Զբանգտանաց է ներկայացված նաև Եզնիկի երկի Համաբարբառում (էջ 281), որը խմբագրել է ականավոր գրաբարագետ և եզնիկագետ Ա. Աբրահամյանը: Այստեղ զ-ի բնագրային լինելը անկասկած է:

Հր. Աճառյանի «Հայերեն արմատական բառարանում» (հ. Բ, էջ 219-220) սույն բառը բերված է ուղղականաձև՝ որպես զբանգտանք (հնարովի սուտ բան): Հղվում է նաև բանգտակ լինել (սուտ պատճառներ հնարել) բառակազմությունը: Սա նշանակում է, որ Հր. Աճառյանն ընդունել է զ-ի նախածանցական կիրառությունը: Սակայն չեն բացատրվում երկու հնարավոր լուծումներ՝ ա) իսկապես, Եզնիկն օգտագործել է զ-ն սեռական հոլովի հետ, և այն մի բացառիկ կիրառություն է, բ) զ-ն գրչագրական նորամուծություն է: Ահա այս վեց նախդիրները թեք հոլովների հետ V դ. չորս ականավոր մատենագիրների երկերում հանդես են եկել այնպես, ինչպես երևում է № 2 աղյուսակում:

Աղյուսակ № 2

Հեղինակ	բառարանային քանակ	ընդհանուր բառաքանակ	%	նախդիրներ	%
Կորյուն	1673	5882	28,47 %	867	15,07 %
Եզնիկ	3424	39745	8,61 %	4979	12,53 %
Ծղիշե	4544	41063	11,06 %	5600	13,63 %
Խորենացի	7090	58547	12,10 %	19157	15,64 %
Ընդամենը՝	10733	145237	11,52 %	30623	14,19 %

Ընդհանուր բառաքանակի համեմատությամբ նախդիրների միջին գործածության հաճախականությունը, բացառությամբ Կորյունի գրքի, բարձր է նույն երկերի ընդհանուր բառաքանակի համեմատությամբ՝ բառարանային քանակի միջինից: Փաստորեն, ըստ մեր ուսումնասիրած հեղինակների երկերի, նախդիրների գործածության միջին հաճախականությունը V դ. կազմում է 14,19 %⁴ այն դեպքում, երբ բառարանային բառաքանակի գործածության միջինը ընդամենը 11,52 % է: Փաստերը բավականին խոսում են:

V դ. վերոհիշյալ մատենագրերի երկերում կա 16733 բառաքանակ: Դրանք գործածվել են 145237 անգամ, իսկ ընդամենը վեց նախդիրը կիրառվել է 20623 անգամ: Ուշագրավ է, որ ներքին կապ կա ընդհանուր բառաքանակի համեմատությամբ՝ բառարանային բառաքանակի հաճախականության և ընդհանուր բառաքանակի համեմատությամբ նախդիրների հաճախականության միջև: Եթե բարձր է բառարանային բառաքանակի հաճախականությունը, բարձր է նաև նախդրագործածման հաճախականությունը և ընդհակառակը: Համեմատական աղյուսակից երևում է, որ բառարանային բառաքանակի հաճախականությունն ամենից ցածր է Եզնիկի երկում (8,61 %), ցածր է նաև նախդրագործածության հաճախականությունը (12,25 %): Խորենացու երկում բարձր է բառարանային բառաքանակի հաճախականությունը (11,52 %), բարձր է նաև նախդրագործածումը (15,64 %): Այդպես է իրերի վիճակը նաև Կորյունի և Ծղիշեի երկերում:

Կորյունի գրքում մյուս դրվածքների համեմատությամբ շատ բարձր է բառարանային բառաքանակի միջին հաճախականությունը (28,47 %)։ Եթե Համաբարբառում ամեն ինչ ճիշտ է, այդ պետք է բացատրել Կորյունի երկի լեզվի և ոճի յուրահատկությամբ, հատկապես այնտեղ եղած բառային կրկնաբանությամբ:

⁴ Բոլոր հաշվարկները նրատարված են էլեկտրոնային հաշվիչ մեքենայով:

ՆԱԽԳԻՐՆԵՐԻ ԸՆԴՀԱՆՈՒՐ ԳՈՐԺԱԾՈՒԹՅՈՒՆՆԵՐ ԿՈՐՅՈՒՆԻ, ԵԶՆԻԿԻ, ԵՂԻՉԵԻ և ԽՈՐԵՆԱՅՈՒ ԵՐԿԵՐՈՄ

Համար	Ա				Զ				ԸՆԴ				ԸԱՄ				Ի (1)				Ց				Ընդամենը	
	Կարգում	Երկրորդ	Յոթերորդ	Չորսական	Կարգում	Երկրորդ	Յոթերորդ	Չորսական	Կարգում	Երկրորդ	Յոթերորդ	Չորսական	Կարգում	Երկրորդ	Յոթերորդ	Չորսական	Կարգում	Երկրորդ	Յոթերորդ	Չորսական	Կարգում	Երկրորդ	Յոթերորդ	Չորսական	Ընդամենը	%
Ա.	—	—	—	—	—	1	—	—	—	11	5	8	—	—	—	—	—	—	—	—	—	—	—	—	25	0,12
Տր.	10+	20	17	48	—	—	1	2	8	59	70	107	28	89	91	119	62+	307	342	503	—	—	—	—	1895	9,18
Հ.	18+	56+	160+	216+	366	2389	2801	4496	9	102	226	261	—	9	13	2	62+	772	1013	1679	4	48	50	108	14730	71,42
	(7)	(7)	(10)	(18)													(6)									
Բ.	9+	27	4	16	14	122	25	98	—	—	—	1	—	10	4	2	183+	772	1013	1679	—	—	—	—	3603	17,47
Ձ.	4	16	6	69	9	35	43	103	1	26	27	30	—	—	1	—	131+	974	888+(3)	1270	—	—	—	—	370	1,79
																	(7)									
Ընդամենը	53	135	197	368	389	2437	2670	4699	19	198	328	407	38	108	109	123	396	2053	2246	3452	4	48	50	108	30623	14,19

Քննվող հարցի համար կարևոր է նաև թե՛ հոլովների հետ յուրաքանչյուր նախդիր գործածության հաճախականության բացահայտումը (տե՛ս աղ. № 3)։ Ուսումնասիրությունից տացվել են հետևյալ արդյունքները⁵։

ա) սեռական հոլովի հետ գործածվել է միայն ընդ նախդիրը և այն էլ խիստ սահմանափակ հաճախականությամբ (0,12 %)։

բ) տրական հոլովի հետ արդեն ոչ միայն դրվում են հինգ նախդիրներ, այլև սկսում է բարձրանալ նրանց հաճախականությունը (9,18 %)։ Հայցական հոլովը նախգրագործածության բարձրակետն է (71,42 %)։ Այստեղ իրենց հատկապես զգալի են տալիս զ և ի նախդիրները։ Բացառական հոլովում համեմատաբար իջնում է նախգրագործածության հաճախականությունը (17,47 %)։ Դուք գործիական հոլովում հասնում է ամենացածր աստիճանին (1,79 %)։

Առ ի նախդիրների կան տրական (6) (միայն Կորյունի երկում), հայցական (42) և բացառական (54) հոլովների հետ, ընդամենը՝ 102։ Սա ևս մի որոշակի թիվ է և ցույց է տալիս առ ի նախդիրների, ճիշտ է, ոչ տարածուն, բայց V դարում զգալի չափով գործածված լինելը։

Ուշագրավ է նաև այս շորս մատյաններում յուրաքանչյուր նախդիր գործածության հաճախականությունը՝ առանձին երկի և բոլոր երկերի նախդիրների համեմատությամբ (տե՛ս աղ. № 4)։

Առ նախդիր միջին գործածությունը 3,64 % է։ Այն ամենից շատ է հանդես եկել Կորյունի (5,86 %) և հորենացու (4,01 %) գրքերում, առանձնապես ցածր է Եզնիկի երկում (2,71 %)։

Ձ նախդիր միջին հաճախականությունը 49,43 % է, մինչդեռ ի նախդիրներ 39,5 % է⁶։ Ձ նախդիրը բոլորից շատ է կիրառված հորենացու երկում (51,31 %)։ ամենից քիչ՝ Կորյունի գրքում (43,85 %)։ Իսկ ի նախդիր գործածությունը գրեթե միաշափ է Եզնիկի, հորենացու և Եղիշեի գրվածքներում, մի փոքր ավելի է Կորյունի գրքում։

Ընդ և ըստ նախդիրները շնայած ոչ շատ, բայց միշտ էլ մատենագրությունում դրսևորել են բազմազան իմաստներ։ V դ. ընդ նախդիր միջին գործածությունը 4,61 % է, IX—XI դդ.՝ 5,92 %, ըստ նախդիրներ V դ.՝ 1,78 % է, իսկ IX—XI դդ. հասնում է 3,34 %-ի։ Ուրեմն, միշտ էլ ընդ-ը ըստ-ի համեմատությամբ ավելի գործուն է եղել։ V դ. այն համեմատաբար շատ է դրսևորվել Եղիշեի (5,85 %) և հորենացու երկերում (4,44 %)։ Դարասկզբի մատենագրությունում սահմանափակ է եղել, որը ցույց է տալիս Կորյունի գրքում ընդամենը 2 %-ի գործածությունը։ Մինչդեռ ըստ նախդիրը աստիճանաբար սահմանափակ կիրառություն է ստացել, այնպես որ Կորյունի գրքի 3,15 %-ի դիմաց հորենացու երկում կա 1,34 % գործածություն։

Յ նախդիր միջին հաճախականությունը 1,01 % է, այդպես է և IX—XI դդ. (0,78 %)։ Քանի որ զ նախդիրը դրվել է միայն հայցական հոլովի հետ և այն էլ հիմնականում երկու իմաստի դրսևորմամբ՝ միեջև և հաճախ հաճախ հաճախ-ը, նրա հաճախականությունն էլ այդքան սահմանափակ է։

Թարգմանական գրականությունում, մասնավորապես Աստվածաշնչում նախդիրների գործածության հաճախականությունը ինչ-որ չափով պարզելու համար քարտադրել ենք Միղբ Երեմիայի-ից մի հատված, և ստացվել է գրեթե վերը նշված համամասնությունը։ Ընդհանուր նախգրագործածությունը 14,4 % է, իսկ առանձին նախդիրների կիրառվել են այսպես՝

առ	-1,09 %	ըստ	-1,09 %
զ	-54,09 %	ի	-42,07 %
ընդ	-1,63 %	ց	-

⁵ Ազդուսակում փակագծերի մեջ նշված են առ ի գործածությունները։ Կորյունի երկի Համաբարբառում (էջ 78) հայցական հոլովի հետ են հաշվված տրականով գրված 7 գործածություններ։

⁶ IX—XI դդ. հայ պատմագրությունում պատկերը միանգամայն փոխվում է, քանի որ ի նախդիր հաճախականությունը (45, 30 %) ավելի է զ նախդիր (39, 98 %) հաճախականությունից 5,39 %-ով։

Աղյուսակ № 4

Հեղինակ	Առ	Ձ	Ընդ	Ըստ	Ի (յ)	Ց
Կորյուն	5,86 %	43,85 %	2 %	3,15 %	44,84 %	0,45 %
Եղիշե	2,71 %	48,94 %	3,97 %	2,16 %	41,23 %	0,90 %
Եղիշե	3,51 %	47,07 %	5,85 %	1,94 %	40,1 %	0,89 %
Խորենացի	4,01 %	51,31 %	4,44 %	1,34 %	37,69 % + մեկը՝ 4,18 %	1,17 %
					41,87 %	

Առանձին նախդիրների միջին գործածությունը V դ.
այնպիսին է, ինչպես ցույց է արված № 5 աղյուսակում՝

Աղյուսակ № 5.

Առ	Ձ	Ընդ	Ըստ	Ի (յ)	Ց
3,64 %	49,43 %	4,61 %	1,78 %	39,5 %	1,01 %

Այսպիսով, կատարված ուսումնասիրությունը ոչ միայն պարզում է V դ. շորս ականավոր հեղինակների գրքերում, հետևաբար և ամբողջ մատենագրությունում նախդիրների գործածության բարձր հաճախականությունը (14,19 %), այլև ցույց է տալիս նախդրագործածության ոճական կարևոր արժեքը՝ ինչպես լեզվական որոշակի փուլերի, այնպես էլ առանձին հեղինակների, ներառյալ գրվածքների առանձին մասերի լեզվաոճական յուրահատկությունները բացահայտելու համար։ Մեզ թվում է, որ նման աշխատանք պետք է կատարել՝ պարզաբանելու նաև VI-VIII և IX-XI դդ. ամբողջ մատենագրությունում նախդիրների հաճախականությունը, որը ամուր հիմք կտա բացահայտելու թեք հոլովների հետ նախդիրների դրսևորած որոշ իմաստների սահմանափակումը և նոր իմաստների դրսևորումը։

Նախդիրների նման ուսումնասիրությունը հայ քերականագիտության այսօրվա հասունացած հարցերից է։

ЧАСТОТНОСТЬ УПОТРЕБЛЕНИЯ ПРЕДЛОГОВ В АРМЯНСКОЙ ПИСЬМЕННОСТИ V В.

ГУРГЕН МАНУКЯН

Резюме

Частота употребления предлогов способствует раскрытию сходства и различия языковых этапов, характеристике языково-стилистических особенностей произведений того или иного древнего автора.

Для установления частоты употребления предлогов в письменности V в. взяты за основу «Житие Маштоца» Корюна, «Порицание ересей» Езника Кохпаци, «О Вардане и войне армянской» Егишэ и «История Армении» Мовсеса Хоренаци. В указанных сочинениях употреблено 16733 слова, которые встречаются 145237 раз. Из них 20623—предложные употребления. В V в. средняя употребляемость предлогов составляла 14,19%, причем предлог *առ*—3,64%, *զ*—49,43%, *ընդ*—4,61%, *ըստ*—1,78%, *ի (յ)*—39,5%, *ց*—1,01%.

Частотность употребления предлогов у Корюна составляет—15,07%, у Езника Кохпаци—12,52%, Егишэ—13,63%, Хоренаци—15,64%.